

sterben an augenwehe / vnd vil pliz vnd donner / vnd werden die frucht zunemen. Ist sein breyte septentrionalis / so wirt ein guter klarer vnd gesunder lufft. Ist sie aber meridionalis / so werde vil Hewschrecken sein / aber doch nicht sonderlichen schaden thun. Vnd wann sie ist orientalis / so werden grosse Herzen vmbkommen. Aber wann sie occidentalis ist / so werden krankheit vnter die dienstbotten / vnd geringe personen kommen. Vnd sagt Albumasar / wann er zu ruck geht / so werdens die händler gut habē. Geht er aber für sich / so werden die Schaff wol verwart sein / die vierfüßigen kleinen thier / auch die dienstbotten / vnd geringe personen.

Das 57. Capittel.

Was der Drachentopff oder sein schwantz in einem jeden Similischen zeichen bedeut / vnd sonderlich wann er in der Jungkfrauen steht.

Es sagt Albumasar / Wann das Drachenhaupt im Wider steht / so bedeuets ein erhöhung grosser Herzen / vnd ernidrigung der geringen leüt.

Vnd so der schwantz des Drachen im Wider steht / so bedeuets ein bösen standt solcher Herrn. Oder so da stehn stellæ Cometæ / so werden die Regenten in theilen orientis vnd Babyloniæ einen nachtheil vnd vnglück leyden / vnd vnter den gemeinen Mann trawrigkeit.

Vnd